



Broj: 01-11-2-4551/25-8
Konjic, 22.12.2025. godine

Na osnovu člana 64. stav 1. tačka b) i člana 70. stav (1), (3) i (6) Zakona o javnim nabavkama ("Službeni glasnik BiH" broj: 39/14, 59/22 i 50/24), Preporuke komisije broj: 10-11-2-4551/25-6 od 19.12.2025. godine, u postupku javne nabavke "*Nabavka i isporuka podzemnih kontejnera*", a u skladu sa članom 38. Statuta Grada Konjica ("Službeni glasnik Grada Konjica" broj: 10/22) gradonačelnik d o n o s i

O D L U K U **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 10-11-2-4551/25-6 od 19.12.2025. godine i **ugovor za javnu nabavku roba** „*Nabavka i isporuka podzemnih kontejnera*” **dodjeljuje se ponuđaču** „WINTEC“ d.o.o Sarajevo, Blagovac I 192, Vogošća 71320, ponuda broj: 301/25 od 03.12.2025. godine, za ponuđenu cijenu u iznosu od 128.200,00 KM bez PDV-a, odnosno 149.994,00 KM sa PDV-om, kao najpovoljnijem ponuđaču.

Član 2.

Izabrani ponuđač je dostavio ovjerene kopije dokaza o kvalifikovanosti u vezi sa tačkama 12., 14. i 16. Tenderske dokumentacije, te se oslobađa naknadnog dostavljanja istih.

Član 3.

Za izvršenje ove Odluke zadužuje se Služba za zajedničke, stručne i inspeksijske poslove.

Član 4.

Ova odluka objaviće se na web – stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 01-11-2-4551/25-1 od 14.11.2025. godine.

Javna nabavka je provedena putem *otvorenog postupka*.

Procijenjena vrijednost javne nabavke bez PDV-a je 128.205,00 KM.

Gradonačelnik je Odlukom o imenovanju komisije broj: 01-11-2-4551/25-2 od 17.11.2025. godine, imenovao Komisiju za javnu nabavku i zamjenske članove za nabavku predmetnih radova.

Na osnovu obavještenja o nabavci broj: 637-1-1-131-3-142/25 objavljenog na Portalu javnih nabavki dana 14.11.2025. godine i tenderske dokumentacije, putem otvorenog postupka, izvršeno je prikupljanje, analiza i ocjena podnesenih ponuda.

Javno otvaranje ponuda izvršeno je 05.12.2025. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 10-11-2-4551/25-4.

Komisija je blagovremeno i pravilno izvršila otvaranje i ocjenu pristiglih ponuda o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: 2 (dvije);

Pristigle su ponude sljedećih ponuđača:

1. „BRUDERHERZ&CO“ d.o.o Lukavac, poslovna zona Dženex, Sižje, Magistralni put bb, 75300 Lukavac;
2. „WINTEC“ d.o.o Sarajevo, Blagovac I 192, Vogošća 71320;
 - da su blagovremeno zaprimljene ponuda,
 - da je broj neblagovremeno zaprimljenih ponuda: 0 (nula),
 - da je ponuda ponuđača „WINTEC“ d.o.o Sarajevo, prihvatljiva, dostavljeni su svi traženi dokumenti u skladu sa zahtjevima iz tenderske dokumentacije,
 - da ponuda ponuđača: „BRUDERHERZ&CO“ d.o.o Lukavac nije prihvatljiva, a razlozi neprihvatljivosti detaljno obrazloženi u *Zapisniku o pregledanju i ocjeni ponuda* broj: 10-11-2-4551/25-5 od 05.12.2025. godine. Navedeni zapisnik dostavlja se svim ponuđačima zajedno sa ovom Odlukom.

Nakon izvršene analize i ocjene ponuda kvalifikovanih ponuđača koji su dostavili kompletnu ponudu, a prije zakazivanja e-aukcije, u skladu sa predmetnom TD, Komisija je rangirala prihvatljive ponude u skladu sa kriterijem definisanim u tački 22. TD – najniža cijena ponude:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1.	„WINTEC“ d.o.o Sarajevo	128.200,00 KM

Tačkom 39. tenderske dokumentacije predviđeno je provođenje e-aukcije. Međutim, u skladu sa Pravilnikom o uslovima i načinu korištenja e-aukcije (“Službeni glasnik BiH” broj: 80/23) u slučaju samo jedne validne ponude e-aukcija se ne može zakazati, nego se postupak okončava u skladu sa članom 69. Zakona o javnim nabavkama.

Na osnovu provedene procedure javne nabavke i ocjene kvalificiranih ponuđača, ponuđenih uslova, cijena, te priložene dokumentacije i primjenjenih kriterija koje je ugovorni organ odredio u tenderskoj dokumentaciji, Komisija je jednoglasno utvrdila da je najnižu cijenu tehnički zadovoljavajuće ponude ponudio ponuđač „WINTEC“ d.o.o Sarajevo, na osnovu čega je jednoglasno dala Preporuku rukovodiocu ugovornog organa broj: 10-11-2-4551/25-6 od 19.12.2025. godine, da se ugovor za javnu nabavku roba „Nabavka i isporuka podzemnih kontejnera” dodijeli ponuđaču „WINTEC“ d.o.o Sarajevo, koji je dostavio najbolje ocijenjenu prihvatljivu ponudu.

U postupku donošenja ove Odluke, posebno su cijenjene činjenice da je Komisija za nabavku, pravilno i potpuno, izvršila ocjenu kvalifikovanosti ponuđača, te pregled i ocjenu ponuda, u skladu sa kriterijima iz Tenderske dokumentacije.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila, i da je izbor ponuđača izvršen u skladu sa Zakonom o javnim nabavkama BiH, podzakonskim aktima, tenderskom dokumentacijom i ponudom izabranog ponuđača.


Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od deset dana, od dana prijema ove odluke.

Pripremio: *Semir Hajduk*

Kontrolisao: *Nedžad Ramić*



GRADONAČELNIK

Osman Čatić

Dostaviti:

1. Gradonačelniku,
2. Ponuđačima x 2,
3. Službi za prostorno uređenje, građenje, zaštitu okoline i komunalne poslove,
4. Službi za ekonomsko-finansijske i pravne poslove,
5. Službi za zajedničke, stručne i inspekcijske poslove (*WEB Grada*),
6. A/a.

